



Concello de Vilalba

BASES DO XLIX PREMIO DE POESÍA DO CERTAME LITERARIO DO CONCELLO DE VILALBA 2023

O Concello de Vilalba, co fin de estimular a creación poética, convoca o XLIX Premio de Poesía do Concello de Vilalba, enmarcado no Certame Literario anual.

PRIMEIRA.

Modalidade: Poesía.

Este concurso consta dun único premio indivisible.

Premio: **7000 euros**, flor natural e diploma.

O financiamento do premio farase con cargo á aplicación orzamentaria 334.48942.

SEGUNDA.

Poderán concorrer ao certame todos os autores e autoras que o desexen, calquera que sexa a súa nacionalidade, sempre que presenten as súas obras en lingua galega.

TERCEIRA.

Os poemas serán orixinais e inéditos, escritos en galego, non premiados noutros concursos en datas anteriores ao fallo do xurado. O incumprimento dalgunha destas condicións na obra premiada significaría a súa exclusión, procedendo o xurado a formular de novo a proposta de poemas premiados ou declarando deserto o premio.

CUARTA.

O tema do traballo será libre e a súa extensión mínima será de 500 versos, os cales deberán estar numerados no traballo presentado.

QUINTA.

As obras enviaranse **por vía electrónica** mediante a dirección <http://www.certamedevilalba.org/inscripcion>, na que se indicará o lema que distinga o traballo e achegarase o arquivo en formato PDF, co contido da obra.

A continuación enviarán **por correo ordinario**, un sobre pechado no que figurará o lema que distinga o traballo, e no que no seu interior irá o nome e apelidos do autor/a, DNI, enderezo, teléfono, poboación de residencia, declaración formal de que a obra é



iné dita, xunto cunha pequena biografía do autor/a.

No sobre deben indicar:

CONCELLO DE VILALBA

Certame Literario (indicar o lema que distingue o seu traballo)

Praza da Constitución núm. 1

27800 Vilalba – Lugo

Non deben poñer datos do remitente, pois os traballos serán nulos.

É de destacar que soamente se abrirá o sobre do traballo premiado.

SEXTA.

O prazo de admisión dos traballos comeza desde a data de publicación no Boletín Oficial da Provincia de Lugo das presentes bases e remata o **día 9/06/2022 ás 14h.**

SÉTIMA.

O xurado será nomeado mediante resolución da alcaldía, e estará composto por persoas vencelladas ao eido da cultura e da educación, e estará presidido pola Concelleira de Cultura ou persoa que a substitúa, e actuando de secretario/a a traballadora do departamento de cultura ou persoa que a substitúa. A composición do xurado farase pública na páxina web <https://www.vilalba.gal/> e na Sede Electrónica do concello.

Unha vez que se reúna o xurado darase a coñecer o premiado/a, na páxina web <https://www.vilalba.gal/> na Sede Electrónica do concello e a través dos distintos medios de comunicación. A persoa premiada ou representante da mesma, será citada para asistir a un acto no que se fará entrega do premio, sempre e cando sea posible a celebración presencial do mesmo.

No caso de que as obras presentadas non acadasen o nivel esixible a xuízo do xurado para a obtención do premio ou non tivesen a categoría suficiente, poderá declararse deserto.



OITAVA

1_ O importe do premio estará suxeito aos impostos e retencións legais que lle sexan de aplicación.

O/A premiado/a deberá acreditar estar ao corrente das súas obrigas tributarias co Estado, coa comunidade autónoma e coa Seguridade social, mediante certificados aos que se refire o artigo 24.4 do Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións. Ademais, terán que achegar declaración responsable acreditando non estar incurso en ningunha das causas que determina o artigo 13.2 da Lei 38/2003 Xeral de Subvencións.

O concello comprobará de oficio que o gañador do premio está ao corrente das súas obrigas tributarias co Concello de Vilalba.

2_ O Concello publicará a obra premiada a través dun acordo cunha editorial. Esta editorial entregará á persoa gañadora 20 exemplares da obra premiada.

3_ O premio está dotado de 7.000 €, que a persoa gañadora recibirá como pago único. O Concello comprométese a editar, promover e distribuír a obra a través dun acordo cunha empresa editorial.

A obra premiada publicarase coa editora despois da sinatura do contrato correspondente co autor, segundo a Lei vixente.

A aceptación do premio comporta que o autor/a da obra gañadora cede a Editora os dereitos de propiedade intelectual durante o período de vixencia asinado entre autor e editorial (cun máximo, segundo a Lei de Propiedade Intelectual, de 15 anos).

a) A persoa gañadora cede, sen límite territorial e para calquera dos posibles sistemas de comercialización, modalidades e soportes de edición, os dereitos de reprodución, distribución e venda da obra premiada.



b) O Concello de Vilalba, xunto a Editora, quedan facultados para a tradución da obra premiada a outros idiomas, cos mesmos dereitos de explotación e uso que na lingua orixinal, sempre contando co visto e praxe do autor/a da obra.

NOVENA.

As obras non premiadas serán destruídas xunto coas súas súas plicas, non admitíndose peticións de devolución.

DÉCIMA.

O fallo do xurado é inapelable, os concursantes aceptan integramente estas bases así como cantas decisións adopte o Concello de Vilalba para que estas poidan ser interpretadas e aplicadas.

UNDÉCIMA.

Os datos persoais dos participantes, serán tratados con toda a rigorosidade que esixe a Lei Orgánica 3/2018, do 5 de decembro, de Protección de Datos Persoais e garantía dos dereitos dixitais, tratándose todos os seus datos de acordo aos dereitos establecidos no seu Título III e conforme ao mandato establecido na Constitución Española (art.18), relativo á protección das persoas físicas no que respecta ao tratamento dos seus datos e ás restricións concernentes á circulación dos datos persoais achegados polos participantes á organización deste concurso literario.

